

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

KULTURA ETA KIROL SAILA

Foru Gobernu Kontseiluaren 658/2024 Erabakia, azaroaren 12koa. Onspena ematea Gazteriaren Foru Erakundeko 2024ko enplegu publikoaren eskaintzari

Euskal Enplegu Publikoari buruzko abenduaren 1eko 11/2022 Legearen 52.1 artikuluan xedatutakoaren arabera, "Administrazio bakoitzean dauden langileekin bete ezin diren eta, ondorioz, langile sartu berriekin bete behar diren aurrekontu-zuzkidura duten lanpostuak betetzeko langile-beharrizanak enplegu publikoaren eskaintzaren xede izango dira, edo euskal administrazio publikoek eta haien mendeko erakundeek onartutako antzeko beste edozein kudeaketa-tresnaren xede".

Horrela, Gazteriaren Foru Erakundeak, Arabako Foru Aldundiaren erakunde autonomoak, aldi baterako eta bitarteko enplegua finkatzeko prozesua garatu nahi du, dauden lanpostuak gehitu gabe. Horretarako, aurrekontu zuzkidura dutenak eta lanpostuen zerrendan daudenak aterako ditu eskaintzara.

Abenduaren 23ko 31/2022 Legeak, 2023rako Estatuko Aurrekontu Orokorrei buruzkoak (aurrerantzean, 31/2022 Legea), 2024ko ekitaldirako luzatua, langile berriak sartzeko mugak eta baldintzak ezartzen ditu, eta aukera ematen du, muga horien barruan eta, betiere, dagozkien gastu-aurrekontuen I. kapituluko aurrekontu-baliabideak errespetatuz, sektore eta administrazio jakin batzuetarako lan-eskaintza publikoaren deialdia egiteko.

31/2022 Legeak 20.3 artikuluan ezarritakoarekin bat etorritik, langileak birjartzeko tasa kalkulatzeko, finkatutako gehieneko tasaren ehuneko honako hauen arteko aldeari aplikatuko zaio: aurreko aurrekontu-ekitaldian sektore, eremu, kidego edo kategoria bakoitzean zerbitzuak emateari utzi zioten langile finkoen kopurua, batetik, eta aipatutako ekitaldian edozein arrazoirengatik (lan-eskaintza publikoetatik datozenak izan ezik) zerbitzu horietan sartu diren langile finkoen kopurua, bestetik, edo lanpostuak erreserbatzea ez dakarten egoeretatik itzuli direnak.

31/2022 Legean xedatutakoa aplikatuz, oro har, ehuneko 110eko birjarpen-tasa dagokie 2023ko ekitaldian plantillak izandako aldaketei. Urte horretan, Barriako aterpetxeko Mantentze Ofizialaren 090114 plazaren titularraren erretiroagatiko lanpostu huts bat sortu zen.

Aurretik azaldutako guztia kontuan hartuta, Gazteriaren Foru Erakundeko Zuzendaritza Gerentziak enplegu-eskaintzako proposamen bat egin du lanpostuen zerrendaren arabera. Bertan, dagoen lanpostu hutsa sartzeko, aurrekontu-zuzkidura duena eta zerbitzu publikoen funtzionamendu egokirako atzerazintzat jotzen dena, enplegu-eskaintzan bete behar diren plazar sartuta. Proposamen hori Erakunde Autonomoaren Administrazio Kontseiluari helarazi zitzaion, eta hark Arabako Foru Aldundiaren Foru Gobernu Kontseiluari aurkeztea erabaki zuen.

Gazteriaren Foru Erakundeko langileen ordezkariekin negoziatu ondoren.

Kontuhartzaitza Zerbitzuari aginduzko txostena eskatu zaio.

Horregatik, Gazteriaren Foru Erakundeko Administrazio Kontseiluak eta Kultura eta Kirol Saileko diputatuak proposatuta eta Foru Gobernu Kontseiluak gaur bertan egindako bilkuran gaia aztertu ondoren, honako hau

XEDATZEN DUT

Lehenengoa. Gazteriaren Foru Erakundearen zerbitzura dagoen langileen plazaren 2024rako enplegu publikoaren eskaintza onartzea. Plaza erabaki honen eranskinean jasota dago.

Bigarrena. Eranskin horretan zehazten denez, lanpostuak derrigorrezko hizkuntza-eskakizuna du, eta eskakizun hori betetzea nahitaezkoa izango da lanpostua eskuratu ahal izateko.

Hirugarrena. Sartzeko sistema orokorra oposizio-lehiaketa izango da.

Laugarrena. Eskainitako plaza eskuratzeko prozedura eta betekizunak kasuan kasuko deialdian finkatuko dira, Gazteriaren Foru Erakundearen Administrazio Kontseiluak onartuko duen oinarrien arabera.

Bosgarrena. Urriaren 30eko 5/2015 Legegintzako Errege Dekretuak, enplegatu publikoaren oinarrizko estatutuaren legearen testu bateratua onartzen duenak, 70.1 artikuluan ezarritakoarekin bat etorritik, hautaketa prozesuak gehienez ere hiru urteko epearen barruan deitu beharko dira, erabaki hau ALHAOn argitaratu eta hurrengo egunetik aurrera kontatzen hasita.

Seigarrena. Argitaratzea erabaki hau eta bere eranskina ALHAOn, eta honen laburpena Euskal Herriko Agintaritzaren Aldizkarian.

Vitoria-Gasteiz, 2024ko azaroaren 13a

Diputatu nagusia

RAMIRO GONZÁLEZ VICENTE

Kultura eta Kirol Saileko diputatua

ANA MARÍA DEL VAL SANCHO

Kirol zuzendaria

JUAN JOSÉ ROJO BAZÁN

ERANSKINA / ANEXO

ARLOA ÁREA	UNITATEA UNIDAD	LANPOSTUA PUESTO	L. K. C. P.	K. E. R. C.	D. E. R. D.	T. T. G. T.	H. E. P. L.	D. D. F. P.	LEGEZKO JUSTIFIKAZIOA JUSTIFICACIÓN LEGAL
2 Egoitzak Residencias	30.10000 Barriako Aterpetxea Albergue de Barria	Mantenimenduko Ofizial Oficial de Mantenimiento	090114	L	O/N	C1	2	2021/12/31	2023ko berraztertze tasa Tasa de reposición 2023

Laburdurak / Abreviaturas:

L. K./C. P.: Lanpostuare Kodea / Código de Plaza.

K. E./R. C.: Kontratazio Erregimena / Régimen de Contratación:

L: Lan-kontratu Finkoa / Laboral Fijo Continuo.

D. E./R. D.: Dedicazio Erregimena / Régimen de Dedicación.

O/N: Ohikoa / Normal.

T. T./G. T.: Titulazio Taldea / Grupo de Titulación.

H. E./P. L.: Hizkuntza Eskakizuna / Perfil lingüístico.

D. D./F. P.: Derrigortasun Data / Fecha de Preceptividad.